



31. V. 49.

MENTEM ALIT ET EXCOLIT



K. K. HOFBIBLIOTHEK
ÖSTERR. NATIONALBIBLIOTHEK

31.V.79





Was die Römisch Rō-
niglich Ma. cc. vnd der Herzog von Sa-
phon an gemeine Andgnoschafft zu
Baden im Ergow zuwerben
beuolhen haben.

Im monat Junio.

1 5 3 6.





Ferdinand von Gottes gnaden Römischer
König zu allen zeiten merer
des reichs ꝛc.

Instruction auff den Ersamē geleertē vnsern getreuen lieben Doctor Jacoben Sturzel vō Puchaim vnsern Rhadt/ was an vnser stat/ vnd von vnsern wegē/ bey den Rhäten vñ Pottschaften gemeiner Eydtgnosschafft/ die auff sonntag nach Corporis Christi nechst zu Baden in Ergow bey einander sein werden / handeln vnd außrichten solle.

Er solle inen ansecklich auff vberantwortung vnser Credenzbrieffs vnser gnad vnd alles guts sagen/ vnd volgend zu erkennen geben / wir seyen hienor bericht / Das der König von Frankreich ein zeyt her zum öfftern maln bey inen treffentlich vñ hoch gehalten habe/ Das sie ime wider die Römisch Kay. May. vnsern lieben brüder vnd herrn mit kriegsuolet hilff vñ zuzug thun sollen/ welchs sie aber geweigert vnd abgeschlagen/ den inen auffgelegt vnd gepotten habē/ das sie keinem theil zuziehē/ sond sich anheimisch enthalten sollē/ das aus den vrsachen hernach erzelet billich beschehen/ Dañ yezgedachte Kay. May. wie offenbar wissend seye / dem Franzosen zu seinem thetlichem fürnemen vnd kriegsübung/ kein vrsach geben habe / sey auch desselben nie in willen oder für-

a ij nemen

nemenn gewest / sonder hab sich genzlich darnach
gericht / dise gegenwertige Somerzeit jr macht ge
gen den vnglaubigē zuwendē / Aber der frantzoss
habe sich bald nach des hertzogen von Meilandt
absterben / vnangesehen / das er zu dem selben her
zogtumb Meilandt kein billiche ansprach noch
vorderung habe / sonder desselben für sich vñ seine
erben vnd nachkomen / in krafft vnd vermögen
hieuor auffgerichter verträge / brieff vnd insigel
verzigen / vnterstanden nach solchem hertzogtum
zetrachten / hat dasselbig on alle schew begert /
mit einer angehengtē tro / wo jm solichs nit verfol
ge / das er nach dem selben mit der that trachten
vnd sich darauff gefast gemacht / ein ansehenlich
kriegsuoelck vnd geschütz aus frantreich vber dz
gebirg in Italien gebracht / des vorhabens / berürt
herzogtumb zuerobern / vñ in sein gewaltsam zu
pringen / wie er dan mit solchem seinem kriegsuoelck
den hertzogen von Saphoy / als jr Kay. May.
Schwager / des heiligen Reichs Fürsten / vnd
Italischen Pundßgnossen angriffen / derohalb die
Kay. May. dungenlich verursacht worden sey /
sich zur gegenwer vñ erhaltung berürts Fürsten
tumbs Meilandt mit kriegsuoelck gefasset vnd be
reit zu machen / vnd wiewol jr May. im anfang
auch hernach / vñ vber dz derselben zu obberürter
jrer drüinglichen gegenwer kosten auffgelossen /
den

den Friden ye vñ allweg gern gesehen/ sich auch gegen etliche mitteln vñ Conditionē einlassen wölle/ das dem Franzosen das hertzogtumb Ailelandt verfolgt were/ dan jr Ka. May. solchs iungstlich Pöbstlicher heiligkeit/ den Cardineln/ vil Chrißlicher Könige vnd andern treffenlichen Potentaten Botschafften / zu Rom anzeigt vnd nichts dann den Friden gesucht vnd gepetten/ So hab aber solches bey dem Franzosen kein ansehen haben wollen/ sond sey auff seinem vnbillichen thetlichem fürnemē verhart. Nun geläge aber vns weitter glaublich an/ wie sie die Eydgnossen vber jren vöngē abschlag das sie dē Franzosen in ansuchūg seines vnbillichen thetliche fürnemens / vñ dzer dises kriegs anfenger sey/ kein kriegsuołt zuziehē lassen wölle/ welchs wir dan die Ka. May. jren halbē mit gnedigster berüfung bericht/ noch zū höchsten ange sucht werden/ auff meinūg bemeltem Franzosen in krafft der vereinigūg oð pundtnuß so sie mit ime haben/ also wan der in seinem land angriffen/ das sie ime hilff vnd zuzug zeleisten/ vnd das der Kay. May. zugemessen werde wölle/ als solte er dē König von Franckreich/ nach dem derselb mit seinem kriegsuołt zu rucken zeucht/ angreifen/ darumb sie/ die Eydgnossen verbunden sein sollen/ ime dem Franzosen nach vermūg angezeigter pündtnuß/ die hilff vñ zuzug zulaisten. So seind wir demnach

auff sonderer gnediger wolmeinung verursacht
worden / sie die Eydtnossen durch jnen vnsern
Khadt in dem fall gnedigliche zuerwarnen / vñ
sie der gestalt vñ herkomen der sachen zuerinnern /
vnd jnen fürnemlich zuentdeckē / das die Römisch
Kay. May. zu disem krieg kein vrsach geben habe /
desselben auch kein anfenger sey / sonder der König
vñ Frantreich hab solchen krieg on einige billiche
ansprach / recht / oder gerechtigkeit angefangen / vñ
die Kay. May. zu irer kriegsrüstung bewegt /
vnd also in vbermessigen treffenlichen vncosten ge
fürt / Vnd ob gleich wol nun der Franzos mit sei
nem kriegszuolck zu ruck gezogen / das auff gedach
ter Kay. May. gegenrüstung vñ gedrungner nott
beschehen sey / vnd ihr Kay. May. auff solche ihr
drungenliche gegewehe / ime als irem feindt ver
rer nach volge oder zu ziehe / so könn oder möge
der Kay. May. mit keinem grund oder fuge zuge
messen werden / Das jr lieb vnd Kay. May. den
Franzosen zu disem krieg verursacht hab / sonder
das jr lieb vñ Kay. May. auff solchen angriff pil
lich zu stee vñ wol gepüre / derselben feind nach zu
volgen / sich des schadens vñ nachtheils / der irer
lieb vnd Kay. May. in derselben nottgetrengten
gegewehe auffgelossen zuergetzen / vnd jr ruwe
vnd Frid zumachen. Es volget auch auff solchem
nit / das sie die Eydtnossen / so sie gleich wol dem

Frango=

Frantzosen einiche hilff oß zu zug zuthun schuldig
sein/ noch das die sellben vereinigung in dem fall
binde/ Vnd sey derhalb vnser gnedigs ansumen
vnd begeren/ an gemein Eydtgnossen/ das sie also
bey jnen selbs geschicht vnd herkomen dises kriegs
ermessen/ vnd fürnemlich bewegen/ das der Fran
zöß vber hievor auffgerichte vertrags brieff vnd
insigel den frid geprochen/ disen krieg angefangen/
die Kay. May. zu der gegenweh: thätlich ver
ursachet habe/ vnd derhalb gedachts Königs vō
francckreich vnzimlichē argumentirē/ ansuchen vñ
begern nit volg thun / vñnd noch vil weniger
gestatten/ das jme ire kriegsflent heimlich noch of
fentlich nit zuziehē/ sonder es bey jrem pillichen ver
pott/ so sie hievor vnter jnen gethan/ pleybē lassen/
vnd sich als glider des heiligen Römischen reichs
gegen gemelter Kay. May. als dem obristē haupt
vnd Christlichen Keiser/ des May. zu allem fridē
vnd einigkeit geneigt sein/ gepürlich vnd vnuerwei
senlich halten / das werde jnen bey Röm. Kay.
May. zu sondern gnaden reichen / jnen auch selbs
zu gutem kommen / vñnd bey menniglich ein gut
lob/ ehr: vnd rhūm pringen/ welchs wir/ auch die
Röm. Kay. May. von jnen gnedigklich vnd im
besten berūmen / gantz vngeweißelt jr lieb vnd
Kay. May. solchs in allgnaden erkennen/ vnd zu
gutem nit vergessen/ welchs für vns selbs gegen
jnen

inen mit gnedigem vnd nachtbarlichem willen mit
weniger zuerzeigen geneigt sein wöllen.

Vnd was also bemelter vnser Khat bey der
Lydgnosschafft gesandten Khatzpotten außrich-
ten wirdet / das sol er vns ruffs fürderlichst in-
schuffen berichten / an dem thut er vnsern willen
vnd meinung. Geben in vnser Statt Anspruck
am sibenden tag Junij / Anno im sechshundreys-
sigsten / vnserer Reich des Römischen im sechsten /
vnd der andern im zehenden ic.

Ferdinand.

Fürtrag des Herzogen von Saphoy
Pottschafft/auff der jarrechnung zu
Baden im Ergow des 36. jars.

Großmechtig/ Streng/ Edel/ Vest/ Fürsich-
tig/ Ersam vnd Weyß gonstig lieb herren/ Der
Durchlechtig hochgepoin Fürst vnd herr/ Herr
Carolus Herzog zu Saphoy ic. mein G. Fürst
vñ herr/ Ewz guter freundt/ pundgnosß vñ cōfede-
rat / hat mich für Ewz G. geschickt/ beulcht sich
euch so höchst er mag / mit pitt / ir wöllen verne-
men meinen beuelch / wie hernach volgt .

Es ist war/ Großmechtige Herrn/ das nit klein
verschiner zeyt heer / der König von Franckreich
durch vermessen vñnd vnerwegen willen / vn-
billicher weiß/ on anspruch/ recht/ noch gerechtig-
keit/ hat sich empört wider die Fürstlich Durleuch-
tigkeit meinen G. herren/ solcher gestalt vnd maß
seines gewalts / das er sein Durleuchtigkeit außge-
iagt/ despoliert vnd vertriben hat von allen seinen
landen/ mit einnehmung aller seiner vnd des alten
herkommen vñ hochberümbten Herzogthumbs
Saphoy landen vnd lehenschafften .

Erstlich das Herzogthumb Saphoy / so diß
halb des gepirgs ist/ vnangesehen/ das Fürstliche
Durchleuchtigkeit mein G. herr/ an bemelten Kö-
nig hat lassen begeren offi vñ dick / er wöll ihn mit
b solcher

solcher maß tractiren vñ halten / sonder ingedenck
sein des ganz nachuerwanthen plütz / freunt-
schafft vñ sijschafft / so lang ein hochlöblich hauß
von Saphoy mit einer kron von Franckreich ge-
habt vñd noch hat. Hat auch bemelten König
offt vñd zu mermaln lassen pitten / im zuwissen-
thum vñd zuuersteen geben / was action / querel od
anspruch gemelter König zu seinen landen habe /
in sonders vñ in gemein / dan seiner durchleuch-
tigkeit gemüt nie gewesen noch ist / dan freuntlich mit
der kron Franckreich nachbarlich zelebē / wie seine
vorfordern lange zeit gelebt. Hab sich auch allweg
erpotten / wo querel oder anspruch weren / so sein
Durchleuchtigkeit nit verhofft / derselben zu auß-
trag geleben / was durch vnparteysch leut gespro-
chen werd / in was gestalt vñd form die lang her-
kommen einigkeit / so zwischen der kron Franck-
reich vñd Saphoy gewesen.

Des alles hat sich der König nit lassen benügē /
Sonder an mein G. herren werben lassen durch
sein Pottschaft / Das ime mein G. herr von Sa-
phoy sol vberantworten sein schloß / in sein handt
vñd gewalt / all sein landt / stett / schlösser vñd fe-
stigung des Fürstenthumbs Bemundt / damit er
sich derselbigen mög behelffen nach seinem willen
vñd gefallen / vñd dabei doch nicht wissen lassen
wollen / auß was vsach / oder wider wehn er sol-
lich

lich Fürstenthumb prauchen wöll / das fürwar
vor meniglichem für ganz vnbillich geacht wer-
den sol / on einig fundament.

Auff sollichs / vnangesehen sollich vnbillich vñ
vnerhört eruorderung / hat mein G. herr sich et-
licher maß erklet / damit er gemeltem König zu
erkennen gebe / das er allzeit gegen im ein getrewer
vetter sein wöll / vnd ein vntertheniger diener be-
leiben / vnd damit er jme sein zorn erweichen vnd
prechen möcht / hat er im so tugentlich geantwort /
das er sich desselben wol hette benügen lassen /
wann recht vnd billigkeit stat haben wolt . hat
aber gemeltem König nit wöllen gelegen sein /
sonder bey seinem fürnemen bleiben wöllen / in al-
ler strengikeit / zuletzt in genöttiget vñ getrun-
gen / sambt meiner Gnedigen Frawen der Herzogin
vnd jren kleinen kindern / aus allem jrem landt zu-
fliehen / vnd jne getrowet / die ermbsten Fürsten
zu machen / so in der Christenheit seien . Vnd für
war großmechtig herrn solchs vnd anders ge-
handelt / das zuerbarmen ist / vnangesehen jr nahe
freundschaft vnd siptschaft so zwischen beyden
partheyen ist . Er solt doch billich erbermbd da-
rüber gehabt haben / vnd angesehen das alt vnd
hoch herkommen des samens vnd namens des ge-
melten geschlechts vō Saphoy vnd der kron von
Portugal / da von heer mein Gnedige fraw bür-

tig ist/wie meniglich weiß / Ich geschweig dann
von alten zeytten heer / hat Fürstlich Durchleuch-
tigkeit/ dem König von Franchreich / seinen ver-
wanthen vnd vnterthonen alle lieb/ehz/freundt-
schafft vñ dienstbarkeit bewisen/mit darstreckung
landt/ leut vnd vnterthonen / in vilfeltigen zügen
in Italien mit heeres krafft gezogen/ deshalb ge-
melter mein G. herr keiner sollicher belonung
gewartet were/ Solchs alles angesehen / gemelter
mein G. herr hat nit gewist noch weiß/zu wem
er sein zuflucht stellen wölle/dann zu Got vor ab/
nachmaln zu seinen guten freunden vnd herrn vñ
Confederaten / Vnd erstlich zu Römischer Kay.
May. seinem Erb vñ naturliche Lehenherrē/wel-
cher sich verpflichtet hat/in zu schütze vñ zu schirmē/
wie einen Fürsten vnd gelidt des heiligen Rōmi-
schen Reichs / vnd ganz nechsten freund. Vnd
nachmaln zu euch mein Günstig Herren/ der hoch-
löblichen Eidtgnosschafft / als zu seinen guten
freunden vñ Confederaten vñ Pundtgnossen/ die
auch mitglieder sind des heiligen Rōm. Keychs/
vnd handthaber der gerechtigkeit / mit vnterthe-
niger pit. sonder vnd gemein / in krafft des punds
Confederation/so mein G. herr/vnd das löblich
hausß von Saphoy/ mit Euch Großmechtigen
herren lange zeyt gehabt vnd noch hat/ Ir wöl-
lent jm sein abtrungen landt vnd leut / wider zu
vber

vberkomen beystandt vnd hilff thun wider gemelten König / nach laut vnd inhalt obgemelter Pundtnuß vñ Confederation / so er mit ewr Großmechtigkeiten allen / wie die versamlet sind / hat / sambt allen Botten / fürter so euch möglichen / vñnd einer dem andern zethun verpflichtet / in solchen grossen nöthen vnd beschwerden schuldig ist / vnd darbey betrachten die groß vnd vnbillig abtringung / beschedigung / brandt / raub vnd zerstörung seiner Durchleuchtigkeit landen vñ vnterthonen / so die vergangen tag beschehen ist / vnd teglichs noch beschicht durch sein kriegßfleut / so im hertzogthumb Saphoy verderblich ligen / disshalb vnd ihenthalb dem gepirg / mit hin vnd wegsführen weib vñ kind / vnuerschont aller juncfrawschafft vnd des heiligen Ehelichen standts / fürwar erbarmblich sachen zusehen vnd zuhören / vnd on nödt diß mals außzupreite / so Ewr Großmechtigkeit gut wissen haben / wil also auff die selbig zeit mit stilstan / vnd Ewr Großmechtigkeit damit weiter nit bekümmern / guter hoffnung / Ewr Großmechtigkeit werde sich der sachen erbarmen / zu hertzen fassen / vnd mir als einem gesanten meines G. Herrn / mit günstiger antwort entgegen gehn / als die / zu denen sein Durchleuchtigkeit groß vertrauen setzt .

Vnd darumb Großmechtige Herren / das ein
b iij theil

theil des landts dißhalb des gepyrge meins G.
herren ist eingenomen vnnnd verwendet worden in
meiner herrn von Bern handen vñ gewalt / auch
andier ewer Eydgnossen/deshalb mein G. herr
sich wol beklagen möcht. Nit destminder da mit
das lieb/freundtschafft/pundtschafft vnd confede-
ration/so er mit euch meinen gunstigen herrn hat/
wil er yetz nit weyter die sacheferen/ noch sich be-
klagen/guter hoffnung/die sache werd gütlich hin
gelegt/wie auch Römisch Key. May. getröst hat
zu erwarten. Versicht sich auch/das gemelt mein
herrn von Bern vnd andere der Eydgnoschafft/
so ein theyl des Fürstenthumbs inhaben/sich ge-
pütlich finden lassen werden/vnd im sein land vñ
leut wider zustellen/wie recht vnd pillichkeyt erfor-
dert/Vnd sollichs zu volbringen bit ich euch G:rof-
mechtig herrn/ir wöllend euch des handels auch
annemen gütlicher weiß zuuertragen. Hab auch
von irer Durchleuchtigkeyt beuelh / ein anfang
des handels mit den von Bern zu machen/des ich
dañ willig bin/Ist es jnen gelegen/mir ein sicher
gelait zu geben/gen Bern vnd dauon zu reiten. 2c.

Der Gubernator von
Negoll. 2c.

Österreichische Nationalbibliothek



